



El boîte ed Noë

2^{ème} partie

Marion ale dit à Juliette : « Quo qu'ch'est chèle mission ? »

Juliette ale i dit toute : « Is ont mis éne boîte in amon, éne sorte ed boîte à lettes. Mais, ch'est éne boîte qui donne des lettes ed mission dé ch'Père Noë et pi em preume mission, ch'étot d'faire des craquendoules à Madame Duquesne. »

Marion ale veut vir chèle boîte adon Juliette l'y aconduit (emmène). « *Ravise ! Si t'appoies sur ch'rouche bouton, t'auras éne lette d'mission et i faudra faire quétcosse.* » Adon Juliette ale appoie et tout comme ale l'avot dit, éne lette ale sort que Juliette, habile, ale l'ouvre.

« Bonjour Juliette. Bravo pour ta première mission.

Madame Duquesne t'a mis un 10/10. J'ai encore besoin que tu m'aides. Mr Lefebvre est sans abris. Tu le trouveras sur le parvis de l'église. Merci de lui venir en aide. Demande à Marion et à tes copines de t'aider.

Signé : Le Père-Noël.

PS : Appuie sur le bouton vert pour obtenir ta récompense. »

Juliette ale appuie sur ch' verd bouton et in chuke i sort d'un tiroér avec écrit su ch'l'imbalache : « *Bravo niveau 1 réussi !* »

Les deus files ales se sont dit adé (au revoir) et pi chacun i a rintré à s'mason.

A vèpe, Juliette ale n'étot pon à faire des capouris (pirouettes) din el plache d'edvant ni à s'ébeubir (s'abrutir) devant l'télé. Ale avot miu à faire : busier (réfléchir) à s'deusième mission.

Ses parints is voïtent bin qu'ale s'faisot du mouron alors is li demantent. Mais Juliette ale répond « Y a rin, y a rin ! » Et pi finalemint, ale a artrouvé s'lingue :

-Si quécun i est sin-rados (sans abris), quo qu'in peut faire ?

-Malheureusemint, nous autes pas grind-cosse. Mais à l'mairie, i dot y avoir quétcosse pou cha...

Juliette ale va s'jouker avec cha din s'tiête.

Ch'lendmain, ale va querre Marion qu'ale artrouve avec d'autes chochones pasque Marion, ch'est éne gazette (bavarde) qui n'avot pas su warder (garder) s'lingue din s'poque.

-quo qu'ch'est qu'in fait, qui li dmande Marion ?

-Min père, i m'a dit d'aller à l'mairie.

-Mais is vont pas nous acouter, os sommes des éfants ?

-Ch'est fort possibe. Allons d'abord vir Monsiu Lefebvre.

Habile après l'école, chés files ales vont vir Monsiu Lefebvre qu'i étot assis su in banc. Chés files ales s'approch'tent et pi ales i disent : « *Bonjour Monsiu Lefebvre. Cha va-t-i ?* » Ch'est comme cha qu'is comminc'tent à dviser (converser). Pi un momint apré, Juliette ale déclaque (s'écrie) : « *Ej cros avoir treuvé ! Vous autes chés files, os allez querre tous chés éfants qui varoul'tent (trainent) dans chés rues et in s'artrouve din éne heure edvant l'mairie!* »

Ene heure d'apré, Juliette ale arvient avec éne banderole doù qu'ch'est qui i avot écrit en grosses lettres : « *Pas d'Noë sous l'pleuve pou chés sin-rados !* » Dvant l'mairie, i avot éne flopée d'éfants fin prêts à assister (aider) Monsiu Lefebvre et pi tertous is déclaqu'tent (clament) l'phrase insonne.

Ech'maire i a accepté d'acouter Juliette. Pis, l'magie d'Noë a fait s'n'affaire et pi, ch'maire i a promis qu'din chés 3 jours, in trouvera un restache (logement) pour Monsiu Lefebvre.

Monsiu Lefebvre i sort d'eus poque éne tiote feule et pi i dit : « *Acoute 2/2, felté (rapidité) 2/2, ch'est l'Père-Noë qui va être bénache.* »

Juliette ale artourne amon (chez elle) fin bénache de s' deusième russite (succès). In passant dvant el boéte, ale appuie su ch'rouche bouton et pi éne lette in sort.

« *Bonjour Juliette. Bravo pour ta deuxième mission. Mr Lefebvre t'a mis un 10/10. J'ai encore besoin que tu m'aides. ...* »

